

168
SOLENNIA ANNIVERSARIA

IN

GYMNASIO REGIO LUDOVICIANO

RITE CELEBRANDA

COLLEGII NOMINE

INDICIT

CONRADUS WITTMANNUS,

PHIL. DOCT. GYMNASII PROFESSOR.

SUEVOFURTI, MDCCCXL.

EX OFFICINA BRUEGELIANA.

110.

Quae orationis particulae praepositiones nominantur a grammaticis, eae primo initio nihil aliud, quam adverbia localia fuerunt. Testis est Homerus, in cujus carminibus plurima inveniuntur exempla, quae id aperte docent. Linguae cuilibet id natura insitum esse videtur, ut primum per singulas voces singulae exprimantur notiones. Casus ipsi eidem notionum relationi indicandae inserviunt, ad quam praepositiones usurpantur. Sic dicitur sine praepositione *τρέχω πεδίῳ, νέφος φαίνεται ὀρέων, βαίνω πᾶσαν τὴν ἡμέραν*.

Quo majorem autem deinde homines operam collocant in animis pariter atque ingeniis excolendis, eo major etiam fit linguae accessio. Tum non amplius orationem quasi fluctuare patiuntur, sed singulas ejus partes accuratius definiunt simulque plenius et perfectius loqui student. Qua re oratio non modo copiosior sed etiam adstrictior aliquantoque contractior fit. Ut res enim, latius patente sententia, distinctius dilucidiusque exprimantur, partes illas, quarum aliae alias determinant, quasi vinculis adstringi opus est. Itaque adverbia, quae inprimis determinandis verbis inserviunt, aut propius ad verba accedunt, ut Hom. Iliad. l. XIII, 368. *τῷ δὲ Πρίαμος ὑπὸ τ' ἔσχετο*, adeoque cum iis ipsis conglutinantur, ut Hom. Od. l. IV., 6. *ὑπέσχετο καὶ κατένευσε δωσέμεναι*, aut si substantivum quoddam vel pronomen determinant, iis sese admovent, aut simul et verbo et nomini se conjungunt, ita ut bis collocentur. Et talia adverbia, quae hoc modo conjungebantur, a grammaticis praepositiones sunt nominatae. Neque immerito. Huic enim adverbiorum conjunctioni cum nominibus ipsis aut cum verbis ab Homeri inde temporibus paullatim ita assuevit lingua, ut, ubi poëtae postea liberiori isto dicendi genere, quo ille, utentes praepositionem seorsim collocavissent a verbo, eam distraxisse dicerentur. Praepositiones autem in Homero sunt ita comparatae; ut aliae prorsus vim et virtutem adverbiorum teneant, aliae jam ita, quemadmodum posterior aetas eorum usum constituit, collocentur. Non forma, sed usu et significatione distinguuntur, ut idem verbum nunc adverbium nunc praepositio sit existimanda.

Praepositiones autem per se ipsae proprie non casum nominis vel pronominis regunt, sed notio verbi et praepositionis conjuncta id munus obit. Quapropter una eademque praepositio in graeco sermone, prout res postulat, saepe tres casus admittit, genitivum quum unde quid veniat, accusativum quum quo quid abeat, dativum quum in quo vel in qua re quid acquieverit, indicatur. Sed non omnia adverbia, quae cum nomine junguntur ut ἐγγύς, ἄγχι, πλησίον, πέλας, χωρίς, πόρρω, ἐκτός, ὑπόθεν, ἐναντίον, ἀντίον ἅντα, ἀντικρύ, εὐθύ, μέχρι, alia hujuscemodi, ideo sunt praepositiones nominata; neque vero ipsa ἄνευ et ἐνεκα, quae nusquam sine genitivo inveniuntur, a grammaticis in illarum societatem sunt assumpta. In praepositionum autem numero ab antiquis grammaticis referebantur ea tantum adverbia, quae jam primo ab initio sunt adhibita ad loci notiones significandas, simulque usu frequenti coarctata postea ad conjunctionem et connubium quasi cum verbis ipsis ineundum erant aptissima. Sunt haecce: εἰς, ἐν, ἐξ, ἀπό, διά, πρὸς, ἐπὶ, ἀνά, κατά, παρὰ, μετά, σύν, ἀντί, ἀμφί, περί, πρό, ὑπέρ, ὑπό.

Quae praepositiones quoniam in vulgari sermone haud facile solae inveniuntur, sed aut cum nomine vel pronomine, aut cum verbo quo junguntur, verae nominantur. Interdum etiam cum adverbii componuntur ut εἰς τότε, ἐκ τότε, εἰς νῦν, ἔμπροσθεν, κατόπισθεν, ἐξοπίσω, εἰσοπίσω, ἔξωθεν, ἐκτόσθεν, ἐξ ὁμόθεν, ἀπεντεῦθεν, παραντόθεν, καταντόθι, παρ' αὐτόθι, εἰς ὅτε, ἐς οὗ, εἰσοπέ, προπέρυσι, εἰς αὐτίκα, παραντίκα, ἐφ' ἅπαξ, εἰσάπαξ, καθάπαξ, εἰς πρόσθεν, εἰς τὸ πρόσθεν, ἐπίπροσθεν, ἐπίπαγχν, ἐπὶ μᾶλλον, ἐπιπρόσω, ὑποκάτω, ὑπεράνω, inante, exinde, deinde, desub, exadversum, desuper, insuper; tum autem illae substantivorum vices obeunt, ita ut εἰς τότε pro εἰς ἐκεῖνον τὸν χρόνον, ἐκ τότε, εἰς νῦν pro ἐξ ἐκείνου τοῦ χρόνου, εἰς τὸν παρόντα χρόνον collocetur.

Lingua, quum magis magisque exulta et perfecta multas rationes non satis per illas praepositiones posset exprimere, non in illis acquievit, sed plura alia adverbia vel substantiva similiter adhibere coepit, quae progrediente tempore plus minus praepositionum vim et potestatem induebant, ut ἄνευ, πλήν, μεταξύ, ἅμα, δίχα, τίλη, νόσφιν, ἐνεκα, χάριν, δίχην, causa, gratia, instar, procul, aliaque hujuscemodi.

Quae quum in vulgari lingua saepe etiam sine casu collocentur, spuriae dicebantur praepositiones.

Intercessit paullatim inter adverbia et praepositiones discrimen hocce, ut illa suam naturam dignitatemque in oratione constanter tenerent, et integram exhiberent notionem hae vero non per se ipsae collocari solerent, sed potestate propria abjecta significarent tantum, qua ratione notio quaedam ad verbum esset referenda, adeoque vices interdum cujuslibet casus obliqui nominum ipsorum obirent, ut προαιρεῖσθαι τι ἀντί τινος, τὸ ἀμφὶ Κῦρον στράτευμα, τὰ ἀμφὶ τὸν πόλεμον ἀσχεῖν, ὄναρ ἀπὸ Διός, frondes ex arboribus, cortex ex arboribus, victor ab Oechalia, Ovid. Met. IX., 136., — ab An-

dria ancilla, Ter., — *gubernator a navi*, Plaut., — *canes ad venandum*, — *spem habere in quo*, Cic. pr. Quinct. 5.; ut deinde illa ceterarum sententiae vocum ratione non habita quemcumque volunt occupare locum, possent, hae vero nisi cum verbis ipsis compositae erant, totas se fingerent et accommodarent ad nominum, quibuscum conjungerentur, arbitrium nutumque; tum ut illa maximam partem in diversos flexus abirent, similesque haberent in exitu casus ac nomina et adjectiva, ut ἀγχοῦ, τηλοῦ, περαιτέρω, ἄφνω, ἄνεω, ὀπίσω, ἔξω, ἔσω, ἄνω, κάτω, πρόσω, κοινῇ, ἰδίᾳ, πεζῇ, μακράν, πλησίον, σήμερον, *procul, privatim, pedatim, retrorsum, foras, extra, intra, supra, infra, ultra, juxta, subito, repente, hodie*; in his, propriis scilicet praepositionibus, tale quid cognosci non possit (frequenti enim usu casus illi sive flexiones, quibus antea interior earum conjunctio cum ceteris sententiae cujusdam partibus solebat indicari, abstrusi sunt); denique ut adverbia tanquam sui juris voces magis retinerent suam significationem, quam praepositiones, quae pro usu diverso in diversas abierunt significationes.

Primum igitur, ut supra dixi, praepositiones adhibebantur ad status quosdam loci verbis declarandos. Hac in significatione proxime accedunt ad adverbia, ex quibus sunt ortae. Tum quia tempus cum spatio multas habet affinitates, ad tempus transferebantur. Itaque et ἀπὸ τῆς πόλεως ἀπιέναι, *ab urbe discedere*, et ἀπὸ παιδὸς ἄρξασθαι, *a puero, a parvo initium facere*; ἐπὶ Σάρδεων, ἐπὶ Σάρδεϊς φεύγει, *Sardes fugit*, et ταῦτα ἐπὶ Κύρου ἐγένετο, *haec Cyro regnante sunt facta*; ἐπὶ τοὺς πολεμίους στρατεύεσθαι, *contra hostes proficisci*, et ἐπὶ ἀνθρώπων γενεάν, *in hominum aetatem*, dicebatur. Et ita usurpatae non multum significatione inter se differunt. Denique ad indicandas rerum causas alias ex aliis aptas, ad ostendendam rationem viamque et ceteras relationes adhibebantur, ut εἰς ὀλίγους μᾶλλον τὰς ἀρχὰς ποιεῖν, *magistratus ad pauciores deferre*, εἰς αὐτὸ τὸ πρᾶγμα εἰπεῖν, εἰς ᾧ, *quantomobrem*, ἐπὶ ξύλον εἰς μηχανὰς παραπέμπειν τινά, *mittere ad comparandam ad machinas faciendas materiam*, ἀπὸ τῶν ἐν σπόνδων ἔσται πληροῖν τὰς ναῦς, Thuc., *classem instruere licebit ex foederatis civitatibus*, ἀπὸ στόματος, *memoriter*, ζῆν ἀπὸ τῶν ἰχθύων, *piscibus vitam sustentare*, ἐκ τοῦ σοῦ τρόπου, *e more tuo*, πολλοὶ κατὰ χρήματα δοξάζουσιν εἶναι πλουσιώτεροι ἢ κατὰ τὴν ἐαυτῶν οἰσίαν, *sescundum pecunias se opulentiores, quam revera sint*, existimant, μετὰ ἀκραιφνοῦς τῆς ξυμμαχίας ἦνθησαν, *cum integra societate floruerunt*, ἄδειν πρὸς κιθάραν, ὑπὸ δέους, *prae timore*.

Es his paucis exemplis jam praepositiones longius recedere a prima significatione conspici licet. Saepius naturam suam mutavisse videntur, ut facile tibi veniat opinio, contineri in iis revera plures diversas significationes. Id praecipue credideris, quum ex graeco in latinum sermonem transtuleris. Ut enim multiplices illae rationes, ad quas una praepositio saepe adhibetur, alio sermonè reddantur, ad plures easque interdum inter se contrarias praepositiones confugas necesse erit. Sic ὑπὸ praepositio, prout sententia postulat, qua usurpatur, modo cum praepositionibus *sub, infra*, modo cum *ab*, modo

cum *in*, *ad*, *per*, modo cum *prae* est commutanda in vertendo, quarum praepositionum latinarum sunt quae rursus significationes continent graecae ὑπό plane contrarias. Neque tamen quascunque aliqua praepositio habere videtur significationes, uni illae vere sunt attribuendae; omnes ex communi fonte sunt haustae, ex ea significatione, ex qua praepositio est quasi nata. Habet igitur quaevis praepositio suam propriam significationem, quae, etiamsi nonnunquam cum alia commutari possit, ubique tamen est tenenda.

Inprimis in praepositionum usu linguae omnes inter se differunt, et si in aliqua re, certe in hac suam unaquaeque viam persequitur. Et eae ipsae praepositiones, quae e communi fonte emanaverant, quod ad usum spectat, non eandem iniverunt viam rationemque, sed diversae discesserunt. Quemnam fugit, latinarum praepositionum quae dicuntur verae, *ex*, *in*, *sub*, *ab*, *pro*, *cum*, originem ab graecis ἐξ, ἐν, ὑπό, ἀπό, πρό, ξύν duxisse? Quae autem illarum inveniuntur, quae omnibus numeris et partibus cum his congruant ac convenient? Hoc autem eo minus est mirandum, quum ne in eadem quidem lingua eadem eodem prorsus modo praepositiones soleant usurpari.

Praepositiones graecas primo initio similiter cecidisse, atque alia nomina, id cum ex nonnullis formis antiquis, quae adhuc servatae sunt, tum ex eo quo modo posterioribus temporibus substantiva vel adjectiva vim potestatemque praepositionum sint nactae, cognosci potest. Ex duodecim legum tabulis Cicero de legg. libr. II. c. 8. affert haecce: „Divos et eos, qui coelestes semper habiti, colunto, et ollos, quos *endo coelo* merita locaverunt;“ ubi *endo* adjectivum est. *Endo* etiam legitur in Gellii Noct. Attic. libr. V. cap. 19; XX. c. 1. *endo filio*; et in Lucret. lib. VI. v. 890., *endo mari*; quinimo *indu* reperitur ex Ennio apud Macrob. Sat. lib. VI. v. 2. et ex Lucil. ap. Lactant. lib. V. 9.

Sicuti praepositio latina *in* orta est ex obsoleto quodam adjectivo *indus*, quod graeco ἔνδος, cujus neutrum tantum ἔνδον, adverbii loco usurpatum, superest, respondet, ita haud dubie ἐν ex ἔνδον prodiit. Ejus rei testimonium est, quod ἔνδον poëtae aequae ac ἐν adhibuerunt, ut Pindarus in Nem. III, 93. τράφε λιθίνῳ Ἰάσον' ἔνδον τέγει, *educavit cum in sua domo lapidea, in spelunca saxi*; VII, 65. ἔνδον ἄλσει, *in luco*; Homerus in Iliad. lib. XX, 13. οἱ μὲν Διὸς ἔνδον ἀγγέρατο, *in Iovis domum conveniant*. Cui hic non in mentem venit notum illud ἐν Αἴδου vel εἰς Αἴδου? Vid. Iliad. lib. XXII, 52; XXIII, 19. 103. 200; Od. X, 175; XI, 211. 277.; XV, 350.

Id nos in eam opinionem adducit, ut etiam praepositiones ἐξ, εἰς, πρός, σύν, ἀντί, ἐπί, περί, ἀμφί, διά, μετά, ἀνά, κατά, παρά ex neutro pluralis adjectivorum ἕξα, εἷσα, πρῶσα, ὑπερα, ξυνά, ἄντια, ἐπισσα, περισσα, ἀμφω, δοιά, μέτα (μέσα), ἄνα, κάτα, πάρα, praepositiones ἀπό, ὑπό, πρό autem ex dativo singularis ἀπῷ, ὑπῷ, πρῶι putemus ortas esse. Dixit forte quispiam, At non praepositiones istae ex adverbii vel adjectivis, imo vero haec ipsa e praepositionibus, ut primitivis verbis, sunt orta. Ad haec est

respondendum, nusquam in oratione adhibita esse primitiva sine flexionibus sive casibus, sed eas ad coniungendas notiones singulas, quibus sententia enuntiatur, esse maxime necessarias. Significatur enim iis ipsis flexionibus, quem singulae voces locum in tota sententia teneant et qua ratione cohaereant eae cum ceteris orationis partibus. Et si in quibusdam verborum formis primitiva usurpata videntur, ut in Imperativo *ἴ, στα*, aliisque, ea tamen oratione implicita non reapse sunt primitiva, sed iis inest quid, quo relationem indicent ad ceteras orationis partes. Tum praepositiones *ἀμφί* et *διά* e numeralibus *ἀμύω* et *δύο*, neque vero e contrario haec a praepositionibus duci potuisse apertum est. Denique exemplum illud supra allatum „endo coelo“ luce clarius ostendit, praepositiones vel ex adjectivis et adverbis, quae vice nominum funguntur, vel e nominibus ipsis esse deductas. Et in latino sermone multa sunt adverbia, quae simul vice praepositionum funguntur, in quibus ejusmodi flexio est servata, ut *supra*, *infra*, *extra*, *intra*, *ultra*, *contra* aliaque. Nata sunt illa ex adjectivis *superus*, *inferus*, *exterus*, *interus*, *ulterus*, *conter*, sive *conterus*. Primo enim initio plenius *supera*, *infera* parte (regione), tum paulatim substantivo omisso et adjectivo contracto, *supra*, *infra* dicebatur. Argumento esse possunt formae ut *econtra*, *e contra*, *controversus*.

Confirmatur autem sententia nostra, quod adverbia *ἄνω*, *κάτω*, *ἔξω*, *εἰςω*, *ἔσω*, *πρόσω*, quae casu adhuc non prorsus abolito (dativi enim sunt) flexa de adjectivis se ostendunt, et adjectiva *ἀντίος*, *ἀπώτερος*, *ἀπώτατος* (*ἀπός* obsolevit) antiquis temporibus fere aequae adhibita fuerant, atque ea adverbia, quae decurtata vel mutata in Homero ancipitem induerunt naturam, postea autem praepositiones sunt facta. Exempla quaerentibus offeruntur in Homero plurima.

Iliad lib. XXI, 125. *Σκάμανδρος οἷσει εἴσω ἄλος εὐρέα κόλπον*, te abripiet in maris sinum; — lib. III, 364. *ἰδὼν εἰς οὐρανὸν εὐρύν*: — Iliad. XVI, 365. *ἐρχεται οὐρανὸν εἴσω*: — Od. XI, 150. *ἔβη δόμον Ἄϊδος εἴσω*: — ὑπὲρ οὐδὸν ἐβήσατο δώματος εἴσω: — Iliad. VIII, 367. *εὐτέ μιν εἰς Αἶδαο πύλαστας προὔπεμψεν*: — Od. XVI, 328. *κῆρυκα πρόεσαν δόμον εἰς Ὀδυσῆος*.

Similiter Plaut. in Cist. III, 19. ubi hanc ego retulero intra limen; Nep. Ages. 5. adversarios intra moenia compellere; Cic. orat. II, 34. regiones, intra quas venias.

Od. XXII, 378. *τὼ δ' ἔξω βήτην μέγαροιο κόντε*: — Iliad. XI, 457. *ἔγχος ἔξω τε χροὸς ἔλκε* (ex corpore extraxit): — Iliad. X, 94. *κραδίη δέ μοι ἔξω στηθέων ἐκθρόσκει*: — Iliad. XXIII, 353. *ἐκ δὲ κλῆρος θόρε Ἀντιλόχου*: — 509. *ἐκ δίφροιο χαμαὶ θόρε*: — XVI, 427. *ἐκθόρε δίφρου*: — cfr. Iliad. XV, 573., 580; VII, 182; — Iliad. XI, 219. *ὅστις δὴ πρῶτος Ἀγαμέμνωνος ἀντίος ἦλθεν*, primus exadversus Agamemnonem iuit; — XVII, 31. *μηδ' ἀντίος ἴστασ' ἐμεῖο* (ne te mihi objice): — XXI, 481. *πῶς δὲ σὺ νῦν μέμονας ἀντὶ ἐμεῖο στήσεσθαι*: — XVII, 67. *οὐδ' ἐθέλουσιν ἀντίον ἐλθέμεναι*: — XX, 80. *Αἰνεΐαν ὥρσεν Ἀπόλλων ἀντία Πηλεΐωνος*, contra Achillem incitavit; — XX, 112. *Ἀγχίσαιο πάϊς — ἀντία Πηλεΐωνος ἰών*: — XXII, 253. με

θυμὸς ἀνῆκεν στήμεναι ἀντία σεῖο, *exadversus te stare*; — XXI, 477. ἄντα Ποσειδάωνος ἐναντίβιον πολεμίζειν: — XX, 75. Ἀχιλλεύς Ἐκτορος ἄντα μάλιστα λιλαιέτο δύναι δμῖλον, *maxima cupiditate flagrabat mediam in aciem irrucendi, exadversus Hectorem pugnaturus*; — XX, 97. οὐκ ἔστ' Ἀχιλλῆος ἐναντίον ἄνδρα μάχεσθαι: — XX, 67 ἐναντα Ποσειδάωνος ἴστατ' Ἀπόλλων, — ἄντα δ' Ἐνυαλιόιο Ἀθήνη, — Ἥρη δ' ἀντίστη Ἀρτεμις: — VIII, 300. ὁσπτόν ἀπὸ νευρῆφιν ἱάλλεν Ἐκτορος ἀντικρύ: — V, 130. μήτι σύγ' ἀθανάτοισι θεοῖς ἀντικρὶ μάχεσθαι.

Haec adjectiva, adverbia, praepositiones ubi loci sensu collocantur, haud admodum discrepant inter se; quum praepositiones autem liberius ad tempora et causas indicandas usurpantur, tum magis magisque sejunguntur ab illis, quae nonnisi de loco adhiberi solent. —

Ἀντί proprie de loco, in quo quid ex *adverso*, a *fronte*, ponitur, dicitur. Haec demonstrant praeter ea verba, quae cum ἀντί composita primam tenent notionem, exempla haecce: Homer. Od. IV, 115. χλαῖναν ἀντ' ὀφθαλμοῖν ἀνασχών, *ante oculos, ante ora praelatens pallam*; — Hesiod. op. 725. ἀντ' ἡέλιου τετραμμένος *ad solem versus*; — Iliad. XV, 415. Ἐκτωρ ἀντ' Αἰάντος εἰσατο: — Iliad. VIII, 233. Τρώων ἀνδ' ἑκατόν τε διηκοσίων τε ἕκαστος στήσεσθ' ἐν πολέμῳ; νῦν δ' οὐδ' ἐνὸς ἀξιοί εἰμεν. Et Romani praepositione *ante*, quae ex ἀντί orta est, eodem fere modo usi sunt, ut multi scriptorum loci ostendunt, quorum hos tantum afferam: Cic. pro Rosc. Am. V, 12. hic in foro, *ante tribunal tuum*; — Liv. XXXII, 58. *ante se* statuit funditores; — Liv. XXI, 41. *ante moenia*; — Suet. Galb. 10. propositis *ante se* damnatorum occisorumque a Nerone quam plurimis imaginibus.

Hac nativa significatione ἀντί in poëmatis tantum, in oratione uno Xenophontis loco excepto nusquam invenitur. Est autem locus ille in Anabas. I. IV, 7, 6. Graeci fame coacti castello, quo Taochi multum frumenti convexerant, posituri erant. Quoties autem aggredierentur, e castello, quod natura munitum ab una parte tantum aditum praebebat, saxa devolvebantur. Quum jam spem abjecissent id expugnandi, Xenophon imperavit, ut milites exadversus pinos, quibus haud ita multum inter se distantibus duae partes loci erant obsitae, consisterent, unde lapidum copia ab hostibus consumpta facile illud caperent. Quibus pinis tectis quid mali, inquit, oppidani sive jaciendo lapides sive devolvendo saxa nobis inferant? Verba ejus sunt: τοῦ χωρίου ὅσον πλεθρον δασὺ πίτυσι διαλείπουσαις μεγάλαις, ἀνδ' ὧν ἐστιχότες ἄνδρες τί ἂν πάσχοιεν ἢ ὑπὸ τῶν φερομένων λίθων ἢ ὑπὸ τῶν κυλινδουμένων; In hoc loco Xenophontis nonnulli jam offenderunt eumque conjectura emendandum censuerunt. Ita Stephan: ἀφ' ὧν, Hutch. ὑφ' ὧν conjecerunt. Sed vulgata et antiquo usu et omnium librorum consensu et Suidae auctoritate est confirmata.

Tum ἀντί dicitur, quum quis alteri ex *adverso* ponitur, quem exaequet, vel quum quis alteri in aequo ponitur, ut Hom. Iliad. XXI, 75. ἀντί τοί εἰμ' ἱκετάο αἰδοίοιο, *ego sum tibi juxta aestimandus ac vir supplex quovis honore dignus i. e. supplex tibi sum non contemnendus*;

VIII, 546. ἀντὶ κασιγνήτου ξείνος θ' ἰκέτης τε τέτυκται ἀνέρι, ὅστ' ὀλίγον περ ἐπιψαύη
 πραπίδεςσιν, *hospes et supplex ex adverso fratri ponendus i. e. par est habendus fratri,*
si cuius animus paullulum misericordia commovetur; — Iliad. IX., 116. ἀντὶ πολλῶν
 λαῶν ἐστὶν ἀνὴρ, ὅντε Ζεὺς κῆρι φιλήσῃ, *multorum populorum instar est,* i. e. si multos
 populos ex adverso ei posueris, omnes exaequabit; — Iliad VIII, 163. νῦν σ' ἀτιμήσουσι
 Δαναοί· γυναικὸς ἄρ' ἀντὶ τέτυξο, *talis factus es, ut mulieri ex adverso ponendus sis*
i. e. instar mulieris factus es; — Aristoph. in Equit. 1049. ἀντὶ τοῦ λέοντός εἰμί σοι.
 Haec significatio non est huic vocabulo postea nisi a poëtis interdum subjecta. Ne-
 que mirandum est. Usu linguae correpta et in diversos usus tracta delitescit paullatim
 prior vis praepositionum. Et Homerus ipse quodammodo viam rationemque liberioris
 usus monstravit. Collocavit enim ἀντί etiam sic, ut significet loco, vice, pro, ut Iliad.
 XXIV, 254. αἶθ' ἅμα πάντες Ἑκτορος ὤφέλετ' ἀντὶ περᾶσθαι, *utinam vos omnes loco*
Hectoris obissetis. Sed si accuratius haec consideraverimus, tum et hic alterum alteri,
 Hectori ejus fratres ex adverso poni inveniemus. Neque tamen pares ei opponuntur
 fratres, sed inferiores. Dicit enim Priamus haecce: Si vos omnes ex adverso pono,
 comparo Hectori illi, vos potius vellem, quam illum periisse. Vos enim omnes virtute
 Hectorem non aequatis.

In his locis, quae ex Homero attull, ἀντί modo adverbium est, modo fluctuat
 quasi inter adverbium et praepositionem. At in praepositionum numero habendum est
 Od. XX, 307. ἧ γὰρ κέν σε μέσον βάλλον ἔγχει, καί κέ τοι ἀντὶ γάμοιο πατὴρ τάφον
 ἀμφεπονείτο, *pater tibi pro nuptiis exequias celebrasset;* quo in loco rei alteri altera
 opponitur, quae sit illi contraria; — Iliad XXIII, 650. σοὶ δὲ θεοὶ τῶνδ' ἀντὶ χάριν με-
 νοεικέα δοῖεν, ubi Nestor cupit, ut Dii Achilli grata referant pro dato certaminis prae-
 mio; ἀντί post casum positum anastrophe non admittit; — Od. XX, 290. τοῦτό τοι
 ἀντὶ ποδὸς ξυνήϊον, ὃν ποτ' ἔδωκας Ὀδυσσῆϊ δόμον κατ' ἀλγτεύοντι, ubi bubulcus Cte-
 sippum, procorum superbissimum occidit, contumeliam Ulyssi antea illatam vehementer
 vindicans in illum.

Hinc profecti scriptores postea, notione comparationis omissa, ἀντί praepositione
 utuntur:

quum quis quem in locum alius sufficere, vel subrogare in suum locum, vel quum
 quis in vicem alius succedere dicitur:

Xenoph. Anab. III, 1, 47. ἡρέθησαν ἄρχοντες ἀντὶ μὲν Κλεάρχου Τιμασίῳ, ἀντὶ δὲ
 Σωκράτους Ξανθικῆς. Vid. Xen. Hist. Graec. I. 1, 27; — Cyrop. IV, 5, 58; — VI.
 1, 12; — III, 1, 12. —

quum mutatio conditionis indicatur. Et est quidem ea primum ita comparata, ut
 e priore conditione quis transire in aliam ab illa plane diversam, vel ut reipublicae
 status, vitae, morum conditio mutari in contrarium dicatur; Xen. Anab. III, 1, 17.
 ἐστρατεύσαμεν ἐπ' αὐτὸν ὡς δοῦλον ἀντὶ βασιλέως ποιήσοντες καὶ ἀποκτενοῦντες; —

Cyrop. VIII, 1, 20. ἐγένετο αὐτῷ φίλος χρήσιμος ἀντὶ ἀχρήστου: — Memorab. Socr. II, 7, 12.; — Demad. fragm. 268; — Dinarch. 74 et 96; — Herodot. VI, 32; — Demosth. de fals. leg. 386. πῶς οὐ δεινὸν — τὴν αὐτὴν εἰρήνην τῇ μὲν ἐκπεψάσῃ πόλει τῶν μὲν συμμάχων ὀλεθρον, τῶν δὲ κτημάτων ἀπόστασιν, ἀντὶ δὲ δόξης αἰσχύνῃ γεγενῆσθαι, τῶν δὲ πρέσβειν τοῖς κατὰ τῆς πόλεως ταῦτα πράξασιν, προσόδους, εὐπορίας, κτήματα, πλοῦτον ἀντὶ τῶν ἐσχάτων ἀποριῶν εἰργάσθαι; — ibid. 434.; — Aeschin. de fals. leg. 250.

Latini hoc praepositionibus ex, pro, Germani *anstatt*, *aus* exprimunt, ut Liv. XXXI, 11. *Masinissam Romanis ex hoste amicum factum*; — Cic. pro Rosc. Am. 18. *ex minima tenuissimaque republica maximam et florentissimam nobis reliquerunt*; — Cic. de leg. II, 5. *si quae praecepta medici inscui imperitque pro salutaribus montifera conscripserint*; — Fierent juvenes subito ex infantibus parvis; — Plaut. Most. I, 2, 79. *ecceum herilem filium video corruptum hic ex adolescentulo optimo*; Terent. Andr. I, 1, 10. *feci ex servo, ut esses libertus mihi*; — Sallust. Cat. 5. *ut respublica paulatim immutata ex pulcherruma pessuma ac flagitiosissima facta sit, disserere*. — Sed Graeci quoque simili modo ἐκ praepositione utuntur pro ἀντί, ut Demosth. Olynth. III. οἱ μὲν ἐκ πτωχῶν πλούσιοι γέγονασιν, οἱ δὲ ἐξ ἀδόξων ἔντιμοι; — de reb. Chers. τούτων μὲν ἐκ πτωχῶν ἔνιοι ταχὺ πλούσιοι γέγονασιν, καὶ ἐξ ἀνωνύμων καὶ ἀδόξων ἔνδοξοι, ἐκ δ' εὐπόρων ἀποροι: — Phil. III. μέγας ἐκ μικροῦ καὶ ταπεινοῦ τὸ κατ' ἀρχὰς ὁ Φίλιππος ἦρξεται. Ubi genitivus autem, qui a praepositione ἀντί dependet, plura vocabula una comprehensione complectitur, tum Latini locutionibus *pro eo-ut*, et *tantum abest, ut*, et quae sunt ejusmodi aliae, se expedire debent. Compara Isocrat. de pace, 27 et 30 et Liv. XXII, 1. 2. —

Huc etiam pertinet is usus praepositionis, a) ex quo quis dicitur contra facere ac homines illum facturum optinabantur: Xenoph. Ages. I, 16. ὁ Ἀγησίλαος ἀντὶ τοῦ ἐπὶ Καρίαν ἵέναι εὐθὺς ἀντιστρέψας ἐπὶ Φρυγίας ἐπορεύετο; — vide Hist. Gr. III, 4, 12, Hier. V, 1;

b) ubi cui quid contra ac ratus erat evenit: Demosth. in Mid. 551. ἀντὶ τοῦ δίκην ὑπὲρ ὧν ἐπεπόνθειν λαβεῖν, δοῦναι πραγμάτων, ὧν οὐδὲν ἐμοὶ πρυσήκε, δίκην ἐκινδύνεον: — Demosth. de f. leg. 445, 434, 386; — Isocr. Phil. 21.; Archid. 28.; — Aesch. de f. leg. 301.; — Demosth. cor. 264;

c) ubi quis contra facit ac par erat: Xen. Cyrop. VI, 2. 19. Κροῖσος ἰδὼν ἡττημένους ἀντὶ τοῦ ἀρήγειν τοῖς συμμάχοις φεύγων ᾤχετο:

d) ubi quis in contrariam priori conditionem adducitur: Xen. Cyr. VI, 4, 18. οἱ ἀπὸ τῶν πύργων τοὺς πολεμίους παίοντες ἀμηχανεῖν ἀντὶ τοῦ μάχεσθαι ποιήσουσιν: — Cyr. VIII, 8, 10.; —

e) ubi quis crimina adversarii refellere et redarguere studet: Xenoph. Memor. I, 2, 64. ἀντὶ μὲν τοῦ μὴ νομίζειν θεοὺς, ὥς ἐν τῇ γραφῇ γέγραπτο, φανερός ἦν θεραπύων τοὺς θεοὺς μάλιστα τῶν ἄλλων ἀνθρώπων, ἀντὶ δὲ τοῦ διαφθείρειν τοὺς νέους

φανερὸς ἦν τῶν συνόντων τοῦς πονηρὰς ἐπιθυμίας ἔχοντας, τούτων μὲν πάντων, τῆς δὲ καλλίστης καὶ μεγαλοπρεπεστάτης ἀρετῆς προτορέων ἐπιθυμεῖν, *tantum aberat, ut Socrates id quod ei crimini est datum, deos esse negaret, ut eos magis coleret, quam ceteri homines: tantum aberat, ut adolescentes corrumpere, ut illorum, qui illo uterentur, si qui pravis cupiditatibus essent dediti, eos ad comprimendas atque restringendas eas incitaret, studioque impleteret pulcherrimae illius et praeclarissimae virtutis, in qua et civitatum et familiarum est fundata salus; — Demosth. cor. 269.*

Tum generatim ἀντί dicitur, quum rei res opponitur, quae non prorsus contraria sit, quum qua res in melius aut deterius mutatur, quum quis aliud quid instituit, quam quod antea in usu erat, quum aliud quid agit, quam quod agere potuit, vel antea egit: Xen. Cyr. VI, 1. 29. ταύτην τὴν διαφορὰν κατέλυσεν· ἀντὶ δὲ τούτου πολεμιστήρια κατεσκευάσατο ἄρματα: — Thuc. VII, 28. ἡ πόλις ἀντὶ τοῦ πόλις εἶναι φρούριον κατέστη, quae prius urbs erat, tunc in castellum commutata erat, ut non amplius urbs esset, sed castellum potius quoddam ab hostibus obsessum esse videretur; — Xen. Cyr. V, 1, 21. —

Ἀντί praepositione Homerus etiam utitur, ubi pro beneficiis aut pro injuriis acceptis gratia rependitur, Iliad. XXIII, 650. Od. XXII, 290. Et hac in significatione posteriores saepissime praepositionem collocabant:

ubi beneficiis beneficia, merita compensantur: Xen. Ages. II, 29. ἐνόμιζε γὰρ τῷ μὲν Αἰγυπτίῳ χάριν ἀποδώσειν ἀνθ' ὃν εὐεργετήκει τὴν Λακεδαιμόνα: — Xen. Hist. gr. I, 6, 10; — Anab. I, 3, 4.; — V, 5, 14.; VI, 4, 32.; VII, 7, 8.; — Cyr. VI, 1, 48.; — VII, 2, 12.; — VIII, 2, 12.; — VIII, 4, 2.; — VIII, 3, 31.; — IV, 6, 8.; — III, 1, 34.; — Demosth. cor. 325, 302, 267; —

ubi malis bona compensantur, mala gratia refertur: Xen. Cyrop. IV, 5, 32. ἵνα μὴ σοι ἀντὶ χαρίτων ἔχθραι ὀφείλωνται; — Hist. Gr. I, 7, 18 et 33; — Demosth. cor. 264; — in Mid. 550 et 551; — Dinarch. in Aristog. 86; — Xenoph. Hier. IV, 5; —

ubi bonis mala compensantur, aut non compensantur: Xen. Hier. IV, 5.; — Cyrop. IV, 6, 5.; —

ubi mala malis compensantur: Xen. Hist. gr. II, 4, 17. πάντες ὁμοθυμαδὸν ἀνθ' ὃν ὑβρίσθημεν τιμωρόμεθα τοὺς ἀνδρας: — IV, 8, 6.; — Cyrop. V, 4, 21. —

Praeterea ἀντί collocatur:

quum quid qua re commutatur:

Herodot. III. 59. νῆσον ἀντὶ χρημάτων παρελαβον: — Isocrat. Panath. 44. αἱ αἰτίαι, δι' αἷς μετέλαβον τὴν πολιτείαν τὴν ὑπὸ τινων ψεγομένην ἀντὶ τῆς ὑπὸ πάντων ἐπαινουμένης, αὗται ἦσαν: — Isocr. Archid. 138. κάλλιον ἐστὶν ἀντὶ θνητοῦ σώματος ἀθάνατον δόξαν ἀντικαταλλάσασθαι: — Isocr. Areop. 30.; — Demosth. cor. 270.; — Xen. Cyrop. V, 1, 32; — VIII, 3, 26.; — Interdum etiam ὑπὲρ et πρὸς eodem paene

modo dicuntur: Isocrat. ad Phil. 109. ἰδοὺς ἂν καὶ τῶν ἰδιωτῶν τοὺς ἐπαινεστάτους ὑπὲρ ἄλλον μὲν οὐδενὸς ἂν τὸ ζῆν ἀντικαταλλαξαμένους, ὑπὲρ δὲ τοῦ τυχεῖν καλῆς δόξης ἀποθνήσκειν ἐν τοῖς πολέμοις ἐθέλοντας, ubi tamen praepositioni ὑπὲρ subest notio commodi, utilitatis; — Plat. Phaedo. 69. μὴ γὰρ αὕτη ἢ ἡ ὀρθὴ πρὸς ἀρετὴν ἀλλαγὴ, ἡδονὰς πρὸς ἡδονὰς καὶ λύπας πρὸς λύπας καὶ φόβον πρὸς φόβον καταλλάττεσθαι, καὶ μείζω πρὸς ἐλάττω ὥσπερ νομίσματα; —

cum quis alii antepositur, vei quum res rei praefertur: Xen. Anab. 1, 9, 9. πᾶσαι αἱ πόλεις Κῦρον εἵλοντο ἀντὶ Τισσαφέρνης: — Cyrop. VIII. 2, 9; — Anab. 1, 7, 4. πολλοὺς οἶμαι ποιήσειν τὰ παρ' ἐμοὶ ἐλέσθαι ἀντὶ τῶν οἴκοι; — 1, 7, 3.; — Cyrop. V, 2, 12.; — IV, 5, 50.; — V, 2, 8.; — Demosth. de cor. 263, 299.; de f. leg. 419.; Olynth. init. — Similiter Romani quoque ante usurpant. Cic. de offic. l. III, 17. malitia mala bonis ponit ante. —

Hic et singularis praepositionis usus in poetis est animadvertendus, ex quo ἀντί post comparativum pro solo genitivo ponitur: Soph. Antig. 183. μείζον' ὅστις ἀντὶ τῆς αὐτοῦ πατρὸς φίλον νομίζει, τοῦτον οὐδαμοῦ λέγω, qui potiore patriam suam amicum ducit, eum in nullo honoris loco esse dico; — Trach. 577, 598., — Eurip. Suppl. 419. — Similiter ἀντί post οὐκ ἄλλος ponitur pro genitivo solo: Eurip. Herc. 519. οὐκ ἔσθ' ὅδ' ἄλλος ἀντὶ σοῦ παιδὸς γέρον; — Hel. 582.; — Sophocl. Aj. 444; Col. 488.; — Aristoph. Nub. 653. — Interdum πρό et παρά eodem modo adhibentur: Plat. Phaed. εἰ μὴ δικαιότερον ὦμην καὶ κάλλιον εἶναι πρό τοῦ φεύγειν τε καὶ ἀποδιδράσκειν ὑπέχειν τῇ πόλει δίκην: — Thuc. 1, 23. πυκνότεραι παρὰ τὰ ἐκ τοῦ πρὶν χρόνου μνημονευόμενα: — Herodot. 1, 62. οἷσιν ἢ τυραννὶς πρό ἐλευθερίης ἦν ἀσπαστότερον.

Sophocles uno loco ἀντί ita adhibuit, quemadmodum alioquin Graeci πρὸς, Romani per, collocabant, scilicet in obtestando. Locus ille est in Oed. Col. vs. 1326. σ' ἀντὶ παίδων τῶνδε καὶ ψυχῆς ἰκετεύομεν, ubi poeta principalem praepositionis significationem ante oculos habuit, ita ut sensus sit: Supplicamus tibi liberis hisce, quibus tibi nihil dulcius esse potest, et tua salute exadversum positus etc. Pariter loci illi, in quibus ἀντί abundare videtur post comparativum vel post οὐκ ἄλλος, sunt interpretandi: Soph. Antig. 182. qui amicum exadversum patriam positum (ut deliberet utrum praeferat) potiore ducit, eum repudio. —

Ἀπό, ὑπό, πρό praepositiones, proprie dativi sunt, in quibus ᾧ attenuatum est, ita ut ex ἀπῷ, ὑπῷ, πρῷ, (πρωί) primum formae ἀπώ, ὑπώ, πρῶ, deinde ἀπό, ὑπό, πρό sint factae. Exstant etiam horum adverbiorum comparativi ἀποτέρω, προτέρω, et superlativus ἀπωτάτω. Eodem modo adverbia, quae supra attuli ἄνω, κάτω, ἔξω, εἰς, πρόσ, dativi sunt putanda, quorum casus autem, quoniam non adverbia esse desierunt, non adeo erat attenuatus. At quaeritur, cur ex his adverbiiis non pariter sint praepositiones formatae ἀνό, κατό. ἐξό, εἰσό atque ex illis? His est respondendum, id ob nullam

aliam causam factum esse, quam quod Graeci amore quodam neutrum pluralis amplectebantur adverbii loco. Quapropter praeter adverbia ista in ω exidentia inveniuntur etiam talia, quae exitum in α habent, ut $\acute{\alpha}\nu\omega$, $\acute{\alpha}\nu\omega\tau\acute{\epsilon}\rho\omega$, $\acute{\alpha}\nu\omega\tau\acute{\alpha}\tau\omega$ et $\acute{\alpha}\nu\omega\tau\alpha\tau\alpha$: — $\kappa\acute{\alpha}\tau\omega$, $\kappa\alpha\tau\omega\tau\acute{\epsilon}\rho\omega$, $\kappa\alpha\tau\omega\tau\acute{\alpha}\tau\omega$ et $\kappa\alpha\tau\omega\tau\alpha\tau\alpha$: — $\pi\rho\acute{o}\sigma\omega$, $\pi\rho\sigma\omega\tau\acute{\epsilon}\rho\omega$, $\pi\rho\sigma\omega\tau\acute{\alpha}\tau\omega$ et $\pi\rho\sigma\omega\tau\alpha\tau\alpha$. Itaque $\acute{\alpha}\nu\alpha$, $\kappa\alpha\tau\acute{\alpha}$, $\epsilon\acute{\xi}$, $\epsilon\iota\varsigma$, $\pi\rho\acute{o}\varsigma$ praepositiones non ex ipsis adverbiiis $\acute{\alpha}\nu\omega$, $\kappa\acute{\alpha}\tau\omega$, $\epsilon\acute{\xi}\omega$, $\epsilon\iota\sigma\omega$, $\pi\rho\acute{o}\sigma\omega$ sunt ortae, sed proprie neutra pluralis sunt, quorum alia restricto accentu alia forma casus prorsus abjecta in praepositionum usum abierunt. Adjectiva autem harum praepositionum $\acute{\alpha}\nu\omicron\varsigma$, $\kappa\acute{\alpha}\tau\omicron\varsigma$, $\epsilon\acute{\xi}\omicron\varsigma$, $\epsilon\acute{\sigma}\omicron\varsigma$, $\pi\rho\acute{o}\sigma\omicron\varsigma$ interciderunt temporibus; comparativi et superlativi in usu manserunt, ut $\acute{\alpha}\nu\omega\tau\epsilon\rho\varsigma$, $\acute{\alpha}\nu\omega\tau\alpha\tau\omicron\varsigma$, $\kappa\alpha\tau\omega\tau\epsilon\rho\varsigma$, $\kappa\alpha\tau\omega\tau\alpha\tau\omicron\varsigma$, $\epsilon\acute{\xi}\omega\tau\epsilon\rho\varsigma$, $\epsilon\acute{\xi}\omega\tau\alpha\tau\omicron\varsigma$, $\epsilon\acute{\sigma}\omega\tau\epsilon\rho\varsigma$, $\epsilon\acute{\sigma}\omega\tau\alpha\tau\omicron\varsigma$, $\pi\rho\sigma\omega\tau\epsilon\rho\varsigma$, $\pi\rho\sigma\omega\tau\alpha\tau\omicron\varsigma$.

De praepositione $\acute{\alpha}\pi\omicron$ non opus est copiosius dicere. Nota ejus natura. Primo enim $\lambda\omicron\gamma\omicron$ $\acute{\alpha}\pi\omega$ τόπω, *remoto loco*, dicebatur, ut $\acute{\alpha}\pi\omega$ τῆς πατρίδος τόπω, *loco remoto a patria*; tum liberius $\acute{\alpha}\pi\omega$ τῆς πατρίδος, *procul a patria*; prostremo $\acute{\alpha}\pi\omicron$ τῆς πατρίδος. Motum designans a loco praepositio postea multis modis est usurpata.

Quod ad $\acute{\upsilon}\pi\omicron$ praepositionem attinet, est illa mutato ψ in π nata ex abolito $\acute{\upsilon}\psi\omega$, dativo adjectivi $\acute{\upsilon}\psi\omicron\varsigma$ „altus“, cuius genitivus $\acute{\upsilon}\psi\omicron\upsilon$ solus servatus est. Praeterea aliquot adverbia poetis usitata supersunt, ut $\acute{\upsilon}\psi\omicron\sigma\epsilon$, $\acute{\upsilon}\psi\omicron\theta\iota$, $\acute{\upsilon}\psi\omicron\theta\epsilon\nu$, $\acute{\upsilon}\psi\iota$, $\acute{\upsilon}\psi\omicron\sigma\acute{\alpha}\tau\omega$. Prima igitur significatio hujus praepositionis est: alto loco, alte, sublime, quae in Homeri versibus est cognoscenda hisce: Od. IX, 140. $\epsilon\pi\iota$ κρατὸς λιμένος ῥέει ἄγλαον ὕδωρ κρήνη ὑπὸ σπείους, *e specu fons prorumpit in altum*; — Iliad. XIX, 16. ὥς εἶδ', ὥς μιν μᾶλλον ἔδν χόλος· ἐν δέ οἱ ὄσσε δεινὸν ὑπὸ βλεφάρων, ὥσει σέλας ἐξεφάνθεν, *sub palpebris suspicienti oculi arserunt*. — Quae autem in altum ascendunt, ea habeant necesse est, unde exeant. Itaque altera exstitit significatio *sub*, ex qua ductae sunt omnes ceterae significationes, quas deinde haec praepositio nacta est.

Ἐπὶ et περί praepositiones ceteris magis decurtatae esse videntur. Forma enim praepositionis περίξ (πέριξα), qua inprimis Jones utebantur, adducor, ut illas ex ἐπίσσα et περίσσα, vel potius ἐπιττα et περίττα, neutro adjectivorum ἐπίσσοις et περίσσοις, ortas esse credam. Literae σ, τ, ξ saepe commutantur. Adjectivum ἐπίσσοις uno tantum loco nobis servatum est. Hecataeus enim voce ἐπίσσαι usus est, quam grammatici per ἐπιγιγνώμεναι, die Nachgeborenen, interpretantur. Etymolog. magn. §. 596, 32. exhibet haecce: ἐπίσσας λέγεσθαι Ἰωνικῶς, παρ' Ἑκαταίῳ, ἔστιν ἐπίσσαι αἱ ἐπιγιγνώμεναι τοῖς προγόνοις.

Περιττά ea sunt, quae modum excedunt, supra modum sunt, excellunt. Sic Hesiodus περισσὰ δῶρα, *egregia dona*, dicit. Eadem est etiam praepositionis ἐπὶ prima significatio, quae latine per praepositiones *supra*, *prae*, germanice per *über* verti potest. Hom. Od. IV, 722. περί γάρ μοι Ὀλύμπιος ἄλγε' ἔδωκεν ἐκ πασέων, *supra modum, eximie, abunde, nimium doloribus me affecit*; ubi περί idem est quod περιττά: — Iliad. VIII. 161. Τυδείδῃ περί μὲν σε τίον Δαναοὶ ἔδρη τε κρέασιν τ' ἠδὲ πλείοις δεπάεσσιν, *te magis quam alios, te praecipue honorabant*; — Od. XIV, 146. περί γάρ μ' ἐφίλει καὶ

κήδετο θυμῷ: — περιττά, περιττόν, περιττώς, περι φιλεῖν idem quod ἔκπαγλα, ἔκπαγλον, ἐκπάγλως φιλεῖν est; — Iliad. IX, 53. Τυδείδῃ, περὶ μὲν πολέμῳ ἐνὶ κάρτερός ἐσσι, καὶ βουλῇ μετὰ πάντας ὁμήλικας ἔπλεν ἄριστος, ubi περὶ κάρτερος significat *longe fortissimus in bello*; — Iliad XI, 557. περὶ γὰρ διέ νηυσὶν Ἀχαιῶν, *maxime navibus metuebat*; — Od. VIII, 281. πέρι γὰρ δολέοντα τέτυκτο, *nimum quantum ad fallendum aptata erant*; — Od. XI, 550. Αἴας, ὃς πέρι μὲν εἶδος, πέρι δ' ἔργα τέτυκτο τῶν ἄλλων Δαναῶν, μετ' ἀμύμονα Πηλείωνα, *qui ceteris Danaïs praestabat facie et rebus gestis*; quo loco περὶ — τέτυκτο idem quod ἄριστος ἦν est vs. 469: Αἴας, ὃς ἄριστος ἦν εἶδος τε δέμας τε τῶν ἄλλων Δαναῶν μετ' ὠμύμονα Πηλείωνα; vel idem quod περιττός ἦν. Περιττόν εἶναι τῶν ἄλλων idem valet quod περὶ τῶν ἄλλων εἶναι, sive τῶν ἄλλων περιεῖναι, περιγίγνεσθαι. — Compara Virg. Aen. I. XII, 839. *Hic genus Ausonio mixtum, quod sanguine surget, supra homines, supra ire deos pietate videbis*; — ubi *supra ire* idem est quod *superare*; — Cic. de nat. deor. II, 13. *ratio recta constansque, quae supra hominem putanda est deoque tribuenda*. — Vid. Od. II, 88, 116; — VII, 110; — XXIV, 24; — III, 95; — Iliad. XXI, 105.; — XI, 180.; — XIII, 374, 631.; — Od. III, 112.; — Iliad. VII, 289. — Ex hac significatione illa altera est deducta, qua id, quod circa quem hominem vel rem est, indicatur, ex qua ceterae omnes emanaverunt. —

Σύν, praepositionem, unde latina *cum* originem duxit, ex ξυνός, κοινός natum esse, id jam asperior illa forma ξύν, quae se persaepe in verbis compositis offert, docet. Praeter adverbia κοινῶς, κοινῇ, ξυνῇ (sc. ὁδῷ), quae ex adjectivo prodeunt, etiam neutrum pluralis κοινά ita usurpatum invenitur. Hoc κοινά s. ξυνά usu naturam praepositionis assumpsisse videtur, qua re, ut in ἐπί et περὶ et pluribus aliis ad praepositiones declinatis adverbii flexio sive casus abjectus est. Significat autem κοινά *communiter, communi ratione, gemeinsam, zusammen, sammt, mit*, ut patebit ex locis hisce: Xenoph. Cyr. V, 3, 22 et 23 καλέσωμεν καὶ τοῦτον, ἵνα κοινῇ συμβουλευσώμεθα πάντες: — — ἐβουλεύσαντο κοινῇ φυλάττειν: — Cyr. V, 5, 19 παρεκάλουν ἔγωγέ σε, ὅπως κοινῇ μὲν αὐτοὺς διώκοιμεν, κοινῇ δὲ τιμωροίμεθα, κοινῇ δὲ, εἴ τι καλὸν κάγαθόν συμβαίνοι, τοῦτο καρποίμεθα: — Hist. Gr. III, 2, 13 ἐτύγχανε καὶ Φαρνάβαζος πρὸς Τισσαφέρην ἀφιγμένος, ἅμα μὲν ὅτι στρατηγὸς τῶν πάντων ἀπεδέδεικτο Τισσαφέρην, ἅμα δὲ διαμαρτυρόμενος ὅτι ἑτοιμος εἴη κοινῇ πολεμεῖν καὶ ξυμμάχεσθαι καὶ συνεχβάλλειν τοὺς Ἕλληνας ἐκ τῆς βασιλείας: — Thuc. III, 13 ἐνομίζομεν ἀποστήσεσθαι διπλὴν ἀπόστασιν, ἀπὸ τε τῶν Ἑλλήνων μὴ ξύν κακῶς ποιεῖν αὐτοὺς μετ' Ἀθηναίων ἀλλὰ ξυνελευθεροῦν, ἀπὸ τε Ἀθηναίων μὴ αὐτοὶ διαφθαρεῖναι ὑπ' ἐκείνων ἐν ἰστέρω. — Ex his locis jam affinitas adverbiorum κοινῇ et ξύν cognosci potest. Sunt enim ita usurpata ut alterutrum pro alterutro, κοινῇ πολεμεῖν pro ξυμπολεμεῖν, et ξύν μετ' Ἀθηναίων pro κοινῇ μετ' Ἀθηναίων positum esse videatur. Adverbium κοινῇ praepositionibus σύν et μετά, ut in latino sermone unā praepositioni cum conjungi solet, ubi augendo et cumulando est —

Praeterea σύν praepositio pariter atque adjectivum κοινός cum dativo conjungitur. Itaque transitio adverbii ad praepositionem facilis fuit, id quod exemplum hocce ex Sophoclis Ajace vs. 578 manifeste docet: τὰ δ' ἄλλα τεύχη κοῖν' ἐμοὶ τεθάπεται: ubi κοῖν' ἐμοὶ idem est, quod ζὺν ἐμοί. —

Μετά (germanice mit) ex neutro pluralis μετά adjectivi μέσος, μέτος, medius, existit. Literae σ et τ cum apud Homerum, tum apud Atticos saepissime commutantur, et unum idemque vocabulum modo per σ, modo per τ scriptum invenitur, ut μεταίχμιον et μεσαίχμιον, μέταυλος et μέσανυλος. — Μετά neutrum pluralis accentu ad ultimam restricto primum adverbialiter, ut Iliad. II, 446, 477, — XVIII, 515., deinde pro praepositione est collocatum; et proprie quicquid inter duas partes est interjectum significat. Respondet quodammodo Germanico zwischen, quod ex zuiskem, bini, exortum est. Ita μεταίχμιον, ex μετά et αἰχμή compositum, spatium, quod est inter duos exercitus, indicat. Multiplices inde significationes a nativa ductae sunt, quas omnes enumerare limites hujus commentationis non concedunt; omnibus tamen nota illa principalis subest. Ex multis duo tantum exempla afferamus, in quibus prior hujus praepositionis usus potest intelligi: Od. X, 320. Ἐρχεο νῦν συφεόνδε, μετ' ἄλλων ἱέξο ἐταίρων! abi nunc in haram porcorum et recumbe locum capiens inter ceteros hospites medium, i. e. recumbe inter ceteros hospites; — Iliad. XIII. μετὰ Βοιωτῶν ἐμάχοντο medium inter Boeotios locum tenentes, i. e. cum iis conjuncti pugnabant. — Quemadmodum μέσος adjectivum cum genitivo et dativo construitur, sic et praepositio μετά iisdem casibus conjungitur ab Homero, ad quos deinceps significatione paullulum mutata accusativus accessit.

Παρά pariter atque μετά neutrum pluralis, restricto ad finem accentu, primum adverbium, post praepositio est facta. In poetarum libris etiam παρὰ, παρὰ, παρὰ inveniuntur. Exorta autem est παρὰ ex πάρος, quod adjectivum non, ut plura alia, ex quibus praepositiones paullatim sunt factae, per successiones quasdam est traditum. Restat autem adverbium temporis πάρος, quo inprimis Homerus usus est. Uno tantum in versu, Iliad. VIII, 254 πάρος localiter dictum pro praepositione est. Quem usum adverbii si cum tritissima illa significatione, quam postea tenuit παρὰ praepositio, contulerimus, illam primo initio ea, quae proxima ante hominem quem vel rem sunt, indicasse apparebit. Innuit hoc Homerus in Od. I, 154 verbis hisce: Φήμιος ἦϊδε παρὰ μνηστῆρσιν ἀνάγκη, coram procis canebat coactus; — similiter Dinarch. in orat. in Arist. 89 προδοσία κρινομένη παρ' ὑμῖν; — Demosth. 37 ἀνθρώπου δίκην δεδοκός παρ' ὑμῖν: — Aesch. de f. leg. 226 τῶν ἐπὶ τοῦ βήματος παρ' ὑμῖν λόγων ὑμεῖς ἀκηκόατε: — Demosth. d. f. leg. 4 5., — Aesch. de f. leg. 188., — Dinarch. in Demosth. 4. — Hoc Latini coram, Germani vor dicunt. — Quae autem ante quem sunt, ea quasi necessitudine quadam inter se continguntur: unde praepositio significationem illam, quam postea maxime scriptores tenebant, praeter, nebeu accepit.

Ὑπέρ praepositio, ex qua et spiritu aspero in s condensato latina *super* originem duxit, ex abolito ὑπερα, neutro adjectivi ὑπερος, orta est, cujus comparativum ὑπερώτερος Hesychius, superlativum ὑπερώτατος Pindarus in Nem. VIII, 73. praebet. — Vulgo per syncopen ὑπέρτερος, ὑπέρτατος dicebatur. Ejusdem originis ὁ ὑπερος sive τὸ ὑπερον est, qua voce ὁ δοίδυξ, pistillus, s. pistillum, significatur, et ἡ ὑπέρα, fanis, quo antennarum cornua transferuntur, tenduntur, laxantur.

Facilis et hic transitio ab adjectivo in adverbium et prapositionem est. Sic eam partem, ut exemplo rem explicem, quae supra aurem, est ὑπερα οὐατος μέρη primitus dicebant, tum substantivo omisso ὑπερα οὐατος, postremo ὑπὲρ οὐατος. Id plurimis Homeri exemplis confirmatur: Iliad. XIII, 616 ὁ δὲ προσιόντα μέτωπον ῥινὸς ὑπὲρ πυμάτης ἔβαλεν *superam nasi extremi partem* i. e. *super naso extremo*; — Iliad. XV, 433 τὸν ἔβαλε κεφαλὴν ὑπὲρ οὐατος ὀξεί χαλκῷ; — Iliad. IV, 528.; — V, 145; XI, 108. —

Διά et ἀμφί praepositiones commune habent primordium. Sunt enim illae ex adjectivis numeralibus δύο et ἀμφώ natae, id quod vel ex multis verbis cum his praepositionibus compositis potest cognosci, in quibus notio numeralium illorum continetur. Ejusmodi verba sunt: ἀμφίστομος, ἀμφίγλωσσος, δίστομος, *bilinguis*, (bis ex graeco δίς ortum est, ut bellum ex duellum), ἀμφικέφαλος, *biceps*, ἀμφιπρόσωπος, *bifrons*, ἀμφίχωλος, *utroque pede claudus*, ἀμφιλαῖος, *utraque manu laevus*, ἀμφιδέξιος, *utraque manu dexter*, ἀμφίαλος, *bimaris*, ἀμφικέλενθος, ἀμφίκουρος, *medius inter tres fratres*, ἀμφιμακρός, ἀμφιβραχύς ἀμφιπλίξ, *pedibus alternatim motis*, ἀμφιππος, *qui duobus equis vehitur, ita ut ex uno in alterum transiliat*, ἀμφίβολος, *ambiguus (ambigo)*, anceps (*amb-capere*), ἀμφισβητῶ, quod ex ἀμφίς et βατεῖν, βαίνω, ut dubito ex duo et ito, eo, ut ambigo ex ambo et ago ortum est, ich zwei-fele, quasi inter duo consilia fluctuo; — δίφωνος, δίφυλλος, δίφυις, διφυῆς διαγιγνώσκω, *dignosco*, διακρίνω, *discerno*, διαδικάζω, *dijudico*, διαζεύγνυμι, *disjungo*, διανοσφίζω, *dirimo*, διαρρήγνυμι, *diffringo*, διασπάω, *divello*, dilacero, διασκεδάννυμι, *dissipo*, *dispergo*, διαλύω, *dissolvo*, διώρυνξ, *διώρηγμα, fossa per locum quem ducta, aliaque plurima.*

Διά praepositio ex διοιά, neutro pluralis antiquae formae διοιοί, αἱ, ἅ ortum est. Diphthongus oi saepe in u et i transit. Sic ex διοιοί factum est δύο (duo, two, zwo) ex κοίρανος κύριος, ex δύο autem δίς (bis) δισός, διπλός (duplex) δίχα. — Omnibus locis, quibus διά locali sensu, vel etiam de tempore, dicitur, notio illa principalis, quamvis interdum obscura, agnoscenda est. Plurimus ejus usus est in verbis, qui motum quo indicant, ut ire, proficisci, sequi, venire, pervenire, penetrare, prorumpere, volare, navigare etc. ubi iter quasi secatur in duas partes. Similiter Romani dicunt: amnis urbem secat (διὰ τῆς πόλεως ῥεῖ), avis aethera secat, vox secat aëra, undas, aequor secare puppe etc. Confr. Hom. Iliad. IV, 481 δι' ὤμου ἤλθεν, *per humerum transiit*; — XVI, 405 διὰν δ' αὐτοῦ πεῖρεν ὀδόντων, *per ejus dentes transegit*; —

V, 545 ῥέει ποταμὸς διὰ γαίης, *per terram*; — Od. XI, 580 Ἀητῶ, Πυθιάδ' ἐρχομένην, διὰ καλλιχόρου Πανοπῆος, *Delphos euntem per Panopeum*; — Pind. Nem. VI, 81 πέταται ἐπὶ τε χθόνα καὶ διὰ θαλάσσης τηλόθεν γ' ὄνυμ' αὐτῶν: — Hom. Iliad. XIV, 288 ἐλάτῃ μακροτάτῃ πεφυῖα δι' ἡέρος αἰθέρ' ἵκανεν, *per aërem*; — XXII, αἰετὸς - εἰσι πεδίοις διὰ νεφῶν, *per nubes*; — IX, 468 σύες - εὐόμενοι τανύοντο διὰ φλογός, *extendebantur per flammās*; — XII, 62 διὰ τάφρον ἐλαύνεμεν ὠκείας ἵππους: — XI, 118 ἦϊξε διὰ δρυμὰ πυκνὰ καὶ ὕλην, *per arboreta densa et silvam fugat*; — XVII, 618 διὰ δὲ γλῶσσαν τάμει μέσσην *perscendit*; — ἄραβος δὲ διὰ στόμα γίγνεται ὀδόντων, *inter duos dentium ordines*; — II, 40 διὰ κρατερὰς ὤσμινας: — Od. II, 154 τῷ αἰετῷ ἦϊξαν διὰ τ' οἰκία καὶ πόλιν αὐτῶν, *inter domos et urbem*.

Significatio principalis est *inter, per*. Cum accusativo conjuncta etiam ad causas transfertur, ex quibus quid fit.

Similiter ἀμφί, praepositionem, ex adjectivo ἀμφω, ambo, ortam esse plurimi Homeri loci confirmant, quorum, quoniam propter angustos limites rem pluribus explicare vetamur, paucos tantum mox afferamus. Significat autem proprie *utraque parte, utrinque* ex qua significatione postea altera illa *circum* nata est.

Iliad. XI, 732 κατεκοιμήθημεν ἀμφὶ ῥοᾶς ποταμοῖο, *zu beiden Seiten des Flusses*; — V, 722 ἀμφ' ὀχέεσσι βάλε κάμπτυλα κύκλα, *ad utramque partem currus*; — Iliad. XV, 608 ἀμφὶ δὲ πῆλῃς σμερδαλέον κροτάφοισι τινάσσετο μαρναμένοιο, *circum utramque tempus*; — XIII, 704 ἀμφὶ δ' ἄρα σφιν προμνοῖσιν κεράεσσι ἀνακηκίει ἰδρως, *utramque parte circa ipsorum ima cornua*; — IX, 654 ἀμφὶ δέ τοι τῇ ἐμῇ κλισίῃ καὶ νηὶ μελαίνῃ μάχης σχήσεσθαι οἶω, *utramque re, et tentorio meo et nave nigra*; — XVI, 826 σὺς καὶ λέων μέγα φρονέοντε μάχεσθον πίδακος ἀμφ' ὀλίγῃς, *uterque pugnat de fonte exiguo*; — XXIV, 161 παῖδες μὲν πατέρ' ἀμφὶ καθήμενοι δάκρυσιν εἵματ' ἔφυρον· ὁ δ' ἐν μέσσοισι γεραιὸς ἐντυπὰς ἐν χλαίνῃ κεκαλυμμένος· ἀμφὶ δὲ πολλὴ κόπρος ἦν κεφαλῇ τε καὶ αὐχένι τοῖο γέροντος, *filiū utraque parte patris, circum patrem circumsedebant: ipse vero medius inter eos etc. — in utraque parte, capite et cervice etc.*; — XI, 633, 748; — XXI, 162. —

1. The first part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.

2. The second part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.

3. The third part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.

4. The fourth part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.

5. The fifth part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.

6. The sixth part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.

7. The seventh part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.

8. The eighth part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.

9. The ninth part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.

10. The tenth part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.